



UNIVERSITÄTS-
BIBLIOTHEK
PADERBORN

**PSALTE=||RIVM DAVIDIS || CARMINE REDDITVM || PER
EOBANVM || HESSVM.||**

Hessus, Helius Eobanus

Lipsiae, 1557

VD16 B 3198

De Frvctv Et Vtilitate Lectionis Psalmorum, Elegia Eobani Heßi.

[urn:nbn:de:hbz:466:1-69301](https://nbn-resolving.de/urn:nbn:de:hbz:466:1-69301)

N V N C V P A T O R I A.

Non etiam, nisi mens fallit præsaga, pudebit
Daudem fortisæpe tenere manu,
Ipse quoq; è bellis uictor, Psalteria sæpe
Dicitur inuicta sustinuisse manu,
Quod tantum decuit Regem, tantumq; Prophetam,
Te quoq; Dux noster, posse decere puta.
Et nostros defende tua uirtute labores,
Qui nunc ex multa sunt ratione tui.
Qui tibi si placeant, ut spes est magna, fatebor
Iam mea, quæ uoluit, littora puppis habet.
Viue diu: sobolemq; tuis felicibus auge
Sortibus, & patriæ splendida facta domus.

D E F R V C T V E T
V T I L I T A T E L E C T I O N I S

Psalmorum, Elegia Eobani
Hessi.

Q Visquis habes uarijs obnoxia pectona curis,
Acceptoq; aliquam uulnere queris opem.
Nec potes humana, quæcunq; sit, arte iuuari,
Hæret, & est soli spes tua fixa Deo.
Inspice Psalmographi diuina poëmata uatis,
Inuenies quæ te cura leuare queat.
Siue tuis nocuit græssator finibus hostis,
Non alia melius pellitur hostis ope.
Seu res est peculata tuas manus improba furum,
Inde, quod ablatum reddere possit, erit.

Exda.



E L E G I A

Exactum patria premit inuidiosa tyrannis,

Hinc tua soleris tristia fata licet.

Insidias posuere tui tibi, et undiq; captant,

Cum Davide Deum consule, tutus eris.

Pignoribus uiduata domus tua luget ademis,

Auxilium luctus non aliunde feres.

Pauperie premeris, domus esurit, urget egestas,

Hunc pete, ab hoc diues copia fonte fluet.

Iam tua carnifices populantur corpora morbi,

Hinc ueniet morbis certa medela tuis.

Pressus es inuidia, uulgo contemtus haberis,

Huius ab exemplo tu quoq; fortis eris.

Pulsus es e summis, deiectus ad infima luges,

Hunc sequere, euades infera, summa feres.

Affiduis culti sterilescunt solibus agri,

Hinc pete fructifero qui riget imbre solum.

Imbris affiduis sunt obruta semina terræ,

Hinc pete qui iustis solibus arua iuuet.

Ah miseris qui signa notant, et sidera spectant,

Et spes inde hominum uanaq; uota trahunt.

Deniq; quicquid erit, quæcunq; incommoda rebus,

Humanis aliqua clade nocere queant.

Omnia Psalmographi diuina poemata uatis,

Spe certa, et forti pectore ferre docent.

Et non ferre modo, uerum quoq; pellere, si quis

Pectore, quo cecinit qui dedit ista, canat.

Nec modo fortunæ, dubijsue medebere rebus,

Manat ab hoc animæ maxima fonte salus.

Tam



EOBANI HESSI.

Tam non ulla malæ mens est sibi conscientia culpæ,
Quæ non inde habeat quo sua damna leuet.
Tam nullum miseros grauat intolerabile sensus,
Quod non hic aliqua parte leuetur, onus.
In nunc fatidicis humana uolumina scriptis
Confer, & istorum quodlibet inde pete.
Tam male fallēris, quam qui sub imagine somni
Inuenit, & falsa continet æra manu.
In nunc humanas morbis medeare per artes,
Quodq; Deo debes quære aliunde bonum.
Ne faceres melici monuit sepientia Psalmæ,
Qui sacrum lyrico pectine pulsat ebur.
Hunc dedit expositum docti tibi cura Lutheri,
Qua te cunq; iuuat uoce uel ore loqui.
Quamuis Theutonica Dauidem uoce loquentem
Dum lego, Romano me pudet ore loqui.
Totus ad exactum sic est sibi redditus unguem,
Hic ego, uel studio, barbarus esse uelim.
Quidam alij uario uerterunt carmine Psalmos,
Carpentes cauta quos uoluere, manu:
Spernentes alij numeros, uertere pedestri
Psalmographi uatis carmina sancta stylo:
Ut iam quæ patribus fuerant incognita prisca,
Nota uel è triuio cui libet esse queant.
Sed quia non sapiunt eadem omnibus, omnibus horis
Et uario gaudent multa palata cibo:
Ipse quoq; è multis, nec multa nec optima legi,
Quæ fierent Elego carmina nostra pede.

Que



ELEGIA EOB. HESSI.

Quæ me scribentem Pegnesidos accol a rupis
Vidit, & in proprio Noricaberga sinu.
Cum tamen à caris, & adhuc, urgerer amicis,
Et studijs essent turba molesta meis.
Arripiens fateor, semel omnia scripta peregi,
Quicquid Psalmorum lingua Latina tenet.
Atq; ita ne precibus sæpe aduersarer honestis,
Nostra per hæc semel est libera facta fides.
Non quia me præstare putem potuisse, quod huius
Temporis innumera præstitit arte labor:
Sed quia materia fieri meliore Poetam
Iuuit, & haec ratio prima probata mihi est.
Tum quia doctilo quo non sorduit ista Philippo,
Dignato tali ludere sæpe modo.
Huic etiam debes, si te mea forte iuuabunt,
Quæ tibi Psalmographo sunt data scripta pede.
Hactenus est ratio tibi reddita, cur mea nuper
Facta sit abiecta Psaltria Musa lyra.
Quisquis lessæ legis hæc monumenta Poete,
Dij faciant fructu non pereunte legas.

CLARIS

